

նմա: Աւ գնաց մինչև 'ի Բաբելոն և հնա-
 զանդեցոյց զամենեսեան. և դարձաւ յԱն-
 տիոք, 'ի Հայս, 'ի Ղամասկոս, 'ի Ալբա-
 նան՝ ամենայն ծովեղերօքն մինչև յԱրու-
 սաղէմ, զորս էառ 'ի յԱրաբացոց: Աւ
 եզիտ զպատկերն Վրիստոսի 'ի Պալպաք,
 և զհերան Մկրտչին Վրիստոսի, և զհո-
 զաթափան Վրիստոսի: Աւ զպատճեն պա-
 տերազմին և յաղթութեան զրեաց թա-
 դաւորին Հայոց Աշոտոյ, և դարձաւ 'ի
 Ստամպոլ, և յոյժ սգայր զսպանումն Աի-
 կիֆօռայ: Աւ բերեալ զԱւասիլ և զՍոս-
 տանդին 'ի Ստամպոլ, և եղև մեծ հան-
 դէս. յայնժամ Չմշկիկն առեալ զթագն
 'ի զլսոյ իւրմէ՝ եղ 'ի գլուխ Աւասիլի, և եր-
 կիր եպագ նմա 'ի վերայ երկրի. և ինքն
 հրաժարեալ յաշխարհէ՝ գնաց յանապատ:
 Ահա որ յերեկեան օրն թաղաւոր, այսօր
 ընդ աղքատս դադարէր կամաւոր աղքա-
 տութեամբ, զի ժառանգեսցէ զերանու-
 թիւն սուրբ աւետարանին՝ և ազատեսցէ